

29 JUN 2001

DR MAHATHIR HADIRI JAMUAN TENGAH HARI DI BALIK PULAU

BALIK PULAU, 29 Jun (Bersama) -- Perdana Menteri Datuk Seri Dr Mahathir Mohamad dan isteri, Datin Seri Dr Siti Hasmah Mohd Ali hari ini menyertai kira-kira 2,500 orang rakyat dan pemimpin tempatan di jamuan tengah hari sempena lawatan ke sini.

Dr Mahathir turut disertai oleh Timbalan Perdana Menteri Datuk Seri Abdullah Ahmad Badawi dan isterinya Datin Seri Endon Mahmood, Menteri Pendidikan Tan Sri Musa Mohamed, Ketua Menteri Tan Sri Dr Koh Tsu Koon, timbalannya Datuk Dr Hilmi Haji Yahya dan isteri masing-masing.

Sebelum itu, Perdana Menteri mengadakan perjumpaan tertutup dengan anggota-anggota jawatankuasa bahagian, ketua-ketua cawangan, ketua-ketua wanita dan pemuda Umno Bahagian Bayan Baru dan Balik Pulau.

Perdana Menteri yang berada dalam lawatan dua hari ke negeri ini bersolat Jumaat di Masjid Seberang Jaya.

Beliau dijangka menerima borang keahlian Umno di Kampung Pertama, Permatang Pauh sebelum bertemu jawatankuasa bahagian, ketua-ketua cawangan, ketua pemuda dan wanita Umno Bahagian Bukit Mertajam dan Permatang Pauh di Politeknik Seberang Perai.

Dr Mahathir akan pulang ke Kuala Lumpur petang ini.

-- BERNAMA

AHM PR